

集部

定四

紫山大全集卷十四 集部

腾 腾 録監生臣馬克鞏 録監生臣徐元秀 詳校官中書臣孫

球

侍讀臣孫球覆勘

ただり見 AL THE CANADA ALAS The state of the s 大学 一日 日 日 日 日 Control of 至懷柔百神而百神效雪無歲 THE PERSON IN 紫山大全集 中陛下體元乾綱立正人統 民無名德冠百王功垂億 惠民數無先於百穀 撰

責職遙拱北宸歡溢赤心班阻丹性願祝無疆之聖毒 從調元不然履端正序實萬類惟新之慶旦正一 陰陽寒暑之一周斗寅多午歲月日時之四始律應風 統衛海外而無二家太寧綿綿和氣峰峰臣具等遠切 敢陳有斐之無辭 關之兵祚維繼於守成功愈光於割業握乾中之大 不年有生成遂不以富庶易恭儉之德不以强武出争 一華辰欽惟皇帝陛下德復堯天聖路湯日無 卷十四

金気口匠石電

次定四軍全書 沾濡福履遐齡祝後天而不老神孫聖子同旭日之方 遠近不謀之愈言有乾坤以來之聖世鴻休永頼至樂 奇珍異質發天地之被藏百譯千言窮古今之未見度 之失所則萬國以廻春雍穆九重之深提封四海之外 外有苗之弗率坐致蠻荆之來威質不朴而文不華兵 何窮其等切任外基阻陪英列遠瞻天表喜倍恒情日 不窮而武不贖干官之文武無敵屋工之技巧殊精聞 月風雲同四目四聰之明達雷霆雨露儘八荒八極之 紫山大全樣

孟りせ万 捧日之辰實四海無疆之福欽惟皇帝陛下天地覆載 寧天生聖人物呈異應紹皇基之千萬祀協嘉運之五 |端拱北辰頓舒新秋之光潤祥蒸南海久無今歲之清 於伯叔非飲食致孝乎思神九族交散百靈昭假風從 雨露涵濡得萬國之歡心無一物之失所分寶玉展親 百年太平初基命世斯作星光月潔天清地字賀九龍 賀聖壽表五通

逢慶旦喜倍恒情遠離退域之海隅來上萬年之聖毒 雨若時和歲豐聽擊壤之歌喧息犬吠之夜警臣某幸 在開昌運懷望者其不知樂天祚聖人有目者 非樂 軟伸荒頌齊助散聲 想共是昇平之臣妾洞據散朴之聲容敢惟皇帝陛下 一誕集百祥光承五葉明命久符於雲瑞慶源何啻於河 次で四百人生 清聖冠百王仁及四海際天所覆重譯來庭好問致察 於過言大政必許於元老紀綱法度莫不具舉禮樂刑 紫山大全陸

展昌運政而八風和聖人作而萬物親龍顏天表氣清 萬里之長河し瑞雲視慶集千年之男應實宗廟社稷 殖而富藏乎天下九州真桃庭官得人大開明堂水傳 慶裔躬示儉德謀懷永圖不口惠而恩淡乎民心不貨 政燦然一新發揮先業功多於前人肚固洪基訓明乎 無疆之福同國交散得聰明唇智繼世之君普天均慶 五星聚奎瑞應誕彌之吉月六龍棒日祥開雅睦之嚴 遐福臣某幸逢聖誕喜倍恒情報助數心敬陳荒頌

於二千石草久與於三十年和氣格天散聲沸海幸逢 次定四車全書 於數抃不自揆其流無仰賣聖聰上陳口號 聖旦獲造丹墀願廣擊壞之歌更祝後天之等質無任 怒而自消公私之倉原俱豐禮樂與文明不變選良吏 達四聰采片言而求片善蓄威昭德不矜號令於雷霆 浮海踰山坐受東南之王帛發事無虞而有備內難不 呼之壽恭惟皇帝陛下堯仁天覆湯徳日新明四目以 駭星流而電統覺地關以天開月行金氣之秋神降**高** 紧山大全集

警日光月潔天清地寧凡日有知忻逢盛旦臣退居南 求備見善能力行風雨時而百穀登財用足而萬民實 金グロ人と言 過舉尚致察於萬幾安不忘危務敦睦於九族用人不 縱生知佩孝文之儉節至仁蘊太宗之英誹遠畧動無 **美孫抱子樂郊多黃髮之人坐甲休兵遠戍無綠林之** 明命格天高靈為之下堕昌圖改祚率土莫非王臣致 三呼百神懷桑一人有慶恭惟皇帝陛下日新聖徳天 頌禱於愈同豈仙凡之有問河清瑞於萬里山獻壽於

之御辰不世之逢有生同慶欽惟皇帝陛下功邁禹湯 秋之過半慶萬毒之佳辰載整華籍上陳荒頌 次三日草全事 一 金氣司天開神武擴清之昌運瑞雲拱日賀欽明文思 極遥拱北辰常思帝德之瞻光欲進天階而無路幸三 之盛克配上帝守一徳不二之恭永佑聖躬享萬歲無 之臨照奉王帛以來庭試歷推受命之祥未有如今日 而不足聖踰堯舜而弗居允執謙冲克自抑畏際日月 疆之壽臣阻塵法從出傾憲司切傾奏霍之懷遐想庭 紫山大全集

之祝 まりでた とって 遂有生咸治之心萬國交散普天同慶天眷彌厚聖壽 揮之列身雖在外如臨咫尺之威誠發於中同罄華封 無疆當從容中道之年享垂拱無為之福叛王請罪聖 貞溢光華之無窮豈偷楊之能養既正檢號宜進賀章 聖徳難名久執不居之謙讓臣東激切允懷仰報之忠 伏惟皇帝陛下徳邁唐虞功祭天地服上古不臣之土 賀尊號表

際天所覆同我太平臣其等職居外郡列沮庭班均蒙 嗣班即股放柱石繼踵而還歸發虎熊嚴守邊以鼓舞 アグララーを持つ 之冗員進敢諫直言之多士政由俗幸令若風行開張 奉若天道乾綱振於神取下情得以上通點尸居貪禄 五陰方盛届一陽來復之辰八音克諸奏四海會同之 雨露之思遙下軒墀之拜 人有慶萬順縣臻兹蓋伏遇皇帝陛下動合民心 賀冬至表 東山大全集

金河四屋人司 霆之震怒奚有蠻荒之蘇芳憫念民生不忍兵取遣信 微而浸滅尚自大以自尊不畏天威不歸王政少發雷 天命大一統可能交質為鄭周帝業不偏安豈以長江 歡敢以荒蕪為自棄敬陪百碎仰祝萬年 聖聰恢弘士氣戒守成而不怠酌先業以增光文德武 限南北顧兹辱宋得自偽周失位中天偷生炎海以浸 威遠來近悦臣等叨居詞職主須聖功幸逢鼓舞之同 賀平江南表 卷十四

次にり見らせる 使以温諭賜詩書以優容迷心累卵之危恃險一舠之 陛下聖神文武順天應人衆皆曰可而行兵不得已而 關艦坐受石城之降幡萬世峻功普天同慶欽惟皇帝 兵不能已而命將出師以順討逆推枯拉朽破竹燎毛 水久留我命毒我邊氓誘我叛亡竊我疆土事至於此 小人粮食進於雲單君子玄黃實於筐館不下益州之 四海之表非平吴平陳之可比視格苗格越而益雄盡 用越湯武之不殺蹄堯舜之至仁徳高百代之前恩漸 崇山大全集

地之維邁古皆區域之廣際天所覆無日星雨露之 金万世屋石雪里 東坡手簡行書為第一自得之妙雖晉唐諸賢有不能 聖祥無疆上天永眷有生萬類同我太平臣某等叨列 外臺賀達陸禮鼓舞餘樂倍百恒情 及者小楷次之大字又次之草書又次之龍圖二帖非 公平生致意書南方比之周賜秦符其為大賢實重也 題 題夢品所減東城帖

次に写真と言 易圖甚多不唯不能發明易之縊奧牽强穿鑿通滞, |帖余所見比五六本帖書如出一筆不曰聖人吾不得 晉賢墨跡咸久腐敗不存唐學上 而見之矣得見君子者斯可矣其年月日其觀 唐賢法書宋蘇米董復臨之故得派傳至今懷素自叙 若此得之者宜如何哉果年月日其觀 題晦庵易卦横圖 題懷素自叙帖 紫山大全集 臨摹逼真

晦卷此圖自下而上大極兩儀四象八卦分陰分陽迭 五大口足人引 離不見伏義書卦本末生成自然之全圖惟邵康節先 天圖原委條貫以類相從然以圓方位置使人不易曉

易之全體無毫髮紊亂虧欠此圖一出前人皆發乾端 用柔剛而六十四卦解然成列乾一至坤八自然生成

坤倪軒豁呈露六子萬象咸具于中原始要終不出乎

一陽考諸文王周孔之辭則合求諸伏義一落筆

而卦變皆備驗諸天地鬼神而不悖象辭變占不言而

陰一

地之奇氣雖造物不易生成畫工塵臆豈能得其髣髴 真寫萬人勝士則百不得其一二盖高人勝士又得天 賦分票受又復天壤每觀畫師寫塵俗之人則十九得 今後至無窮面面不同上而大聖大賢下而至愚至賤 人也得二五最秀最重之精英自有生人以來而至於 寫萬象易寫人物難山水雲煙昆重草木皆有定質惟 喻學易者當玩之終身而不可厭 題梵隆述古圖 紫山大全集

通员四库全書 圓通王仲至陳碧虚鄭晴老蔡天啟王晉卿李端叔十 南宫李伯時蘇黃門晁無咎張文潜秦少游劉巨濟僧 非李龍眠則不能形容蓮社諸英賢蘇東坡黄山谷米 亦庶幾欲造龍眠之門墙者數 也駁雜者自分之尊無二上污下者自甲之太中 想見風采一時龍鸞唯龍眠能儀形之梵隆此幅 跋 跋仲謀提刑家訓圖 7

大 Tru Dana Artis 首謹題 七進則不可隱德于法律脫免里胥之侵凌處心行已 書督責期會而已非二岐也非並同也先生當金室垂 術飾吏事法律為詩書自污雜也近世遂以庸俗儒吏 則儒者也諸公賛稱非知先生者也不可以不辨某頓 並稱又曰儒吏無通周官胥史供給呼召指使代筆簿 公以儒雜九流漢室遂以王道霸術相雜公孫弘以儒 跋臨王右軍帖 紫山大全集

真在右軍諸帖當為得意書山谷題後後來者復何言 網素經三百年則壞紙可延五百歲晉人墨跡至唐恐 為不足萬好而祖述之觀天文以察時變觀人文以化 唐太宗喜王右軍書故一時學士大夫皆好尚以不能 成天下都俞之際詠動天之歌垂朽索之誠立朝大臣 **怎字吟詩為可恥向使太宗能以不及堯舜禹湯文武** 不能傳遠虞褚名公以硬黄紙摹之此帖不惟全不失 **跋褚遂良臨黄庭經**

·氣浩蕩不可掩宋微之柔懦纖麗欲不亡國可乎高宗 前賢有言文章字畫似其為人余謂曰似不若曰是形 KIN DIM ASIN 諸外者即其中也晉武唐太之字畫創業王天下之英 是以似之學者能舍外而工內不及人不為憂矣 真然則所臨黃庭經亦當為貞觀朝士之冠惟其有之 律詩而已耶工書者評蘭亭帖惟褚遂良臨本最為得 則必以皇雙稷其伊傅周召為已任奚遊戲翰墨裁剪 **跋宋嶽宗書** 紫山大全集

金为口居台書 而下亦茍延歲月者也 **跋開開公字** 卷十四

字畫瘦勁則易內豐潘而氣清雄則難問閉公贈萬松

方知任南麓如飽豨肉醉黄酒村學究耳某謹題 帖當為顏平原大字東方朔畫發碑除入室之實

跃鹿庵字

八夫讀書立言之暇游戲翰墨者多而氣禀拔俗者

放筆落紙凡鄙百出去胥史雜流為不遠永年王先

大巴田巨人島 真模勒者頗失筆意歲月風雨離堆已十壞八九中興 優於離堆中與頌優於齊合記竊意安料書丹不傷其 頌齊舍記嚴正開 豁點畫全作二蒙以四本相較書替 曾公學 軍大字見於石四中與頌離堆記東方朔畫替 予言為不安 生人品高邁心畫當為本朝獨步然世無楊凝式孰以 八開齊舍記畫賛離堆結客清雄點畫全作隸書中典 跋魯公字 紫山大全集

染楮以屋漏水人莫辨其真屬汝當致力故僕於黄書 余幼學山谷書先人之命也先人當曰汝高祖善黃書 是况賢者之心畫數珍護珍護 好詩云敞常甘常勿剪勿代敬其人而愛其物尚且如 徑窺其門墙但山谷天資高開冥鴻野鶴行雲流水氣 愈遠如兹石者又不得而見之矣前人有言物聚於所 頌剥裂不完又不易得但恐數百年後一再勒石去真 跋山谷字

曹虎雄之將與野服黄冠之人態度意韻各有所得不 雪齊公學懷素書至於危不忘乎目故能成就如此介 質凡下者不可企及長年以來坐自廢棄今觀立之帖 雖非黃氏得意書亦虎草之一班也党行谿跋黄書以 可以類觀雪癬公書似欲不食煙火食矣 銘之下此黄氏之三昧也竹谿之言恐未工耳 謂韻勝失之柔媚然則蕭散問雅洛洛不凡不出極鶴 跋雪齋字軸 紧山大全集

到 反 正 庫 全書 海儲祥官碑奉勅選升書文理正大因事納諫字畫謹 東坡大字忠義清雄如顏平原小字韻勝緊結如李北 行如長江大河 明白開朗如青天白日豈弟樂易如惠風時雨正大流 雍容自若不為金注所動 **踒宋髙宗臨二王帖 跋東坡儲祥墨迹** 跋王提刑書

哉 臨書者實似之高宗當枕戈當膽之際而不廢翰墨異 志惟者有假屍返魂之說又有人為鬼物所憑四體百 大定の哲人とき 骸不變而神色辭氣則非其人矣以類觀之在字學中 美惡漫不加意十幅一息迅若掣電當時止知喜其神 則正若屋上架屋僕自兒童時見先生酒間得筆不擇 詩文字畫不學前入則無規矩準繩規規於前人陳迹 跋遺山墨迹 紫山大全集

金欠口及人門 之巧也 漁若水釋此又非書奴董所知也年月日觀 見先生墨妙於河東士大夫家每一展卷覺塵俗鄙吝 速飄逸先生胸中自得之妙則不知也近年來時時復 汝絲石刻法帖皆前賢與家人華書豪所取者以及注 以秋深不審四字比較郎官石帖若不相似此帖疑柳 **跋元遺山書**豪 跋張長史帖

次定の事を与 遺山皆不以知書見許是豈效顰學者所能識哉 **晷何如耳士之學書亦如良将之用兵不必模寫古人** 古人筆法固當偏泰直至自成一家乃有真態世人於 觀其筆力曰此書亦不必學大抵我輩自有胸中之妙 之陳遊顧氣韻何如耳李謫仙欲學書於張長史長史 武帝欲霍去病讀孫子去病曰用兵不學古兵法顧方 誠懸臨二王書也 跋元李詩軸 禁山大全樣

韓幹馬多為後人臨摹形模雖在而百萬里學電追風 金グロをといる 跋畫馬圖

韓子絕筆他人不能為也其年月日某觀 雙目後顧錦韉王勒喜出天底依依于人而有良德非 **負三疊之中半日百戰而其氣不少挫後馬馴順承衛** 神駁滅没之氣則無矣此幅前馬天骨開張如虎如龍

跋陽關圖

盡至龍眠别立新意不襲朱碧故智水墨溶化而物物

大きり見と言 每觀畫工寫神大凡形模市井庸人則十似八九及遇 僕自垂髫聞有此圖今得一見清南吾友宜珍藏之某 光歸國拜父兄見妻子之喜挽軽援車驅馬引馳祖錢 意態自足陽關一圖去者有離鄉辭家之悲來者有觀 年月日基觀 迎迓一貌一容紛紛擾擾恍然在京師門外塵盆草動 一漁父水邊垂釣悠然閱適前人以為得動中之静 **跃謫仙泛舟圖** 紫山大全集

會次塵俗淺陋而不能為惟高人勝士不得志於世時 赤壁圖少見絕筆士大夫以道德勲業而不屑為畫工 金与口及台灣 味相同則相得相合也亦易中人以下不可以語上也 髙人勝士雖加意容繪終不得其勢嶄斯盖甲凡之氣 謫仙泛舟圖世固多本暫之主事此幅頗有高風絕塵 之態定非庸工之所作也 游戲能盡其妙幸老前身無乃不能相從二客之一 跋杜祥老畫亦壁圖 卷十四

たこう言いる 若是之奇偉也雖經臨摹終可珍愛 龍眼寫人物不惟工畫者不能及雖造物之巧亦不易 耶 可忽其亦商訓周曾李茂之流未能絕俗耳年月日紫 不見收于神妙能之九列而凝宗題其端盖可愛而不 賀真之畫元氣冰鴻學李營丘寒峭瘦勁學許道寧雖 跋賀真畫 跃李伯時孝經圖 紫山大全集

山題 我只四母全書 無渾全之氣賀真畫嚴樹落老固陰冱寒與夫野橋平 士天夫之畫如寫草字元氣淋漓求渾全而遺細家畫 細密功夫之巧置之能品可也年月某觀 遠塞門隱見胸次自得之渾全殿閣界畫近林梢際盡 工則不然守規導矩拳拳然如三日新婦專事細密而 跋姚安仁畫山水卷

姚安仁畫謂之名筆則不情謂之畫工則太刻細客中 得間遠趣所謂以俗為雅者也 **跋界畫畫語**

而不屑為也抑亦難工而學者寡也繪事寫真演當對 界畫在畫學自為一科然不多見無乃非畫史之高致 照范寬住終南山十有九年益他人之筆不足憑也乃

所有非白屋寒士可得而窥雖老於巧墁工於梓匠亦 知雄樓傑閣層臺危樹一木一覺自有馴度惟帝王家

大三日日日

紫山大全集

金人口足人可 · 自吾有何患真名言也人心本無憂患緩有此身憂患 披今觀此圖緻密大同而華麗過之武安胡其觀題 妻子庇九族高信室廣田宅子女玉帛聲色輕肥之欲 肢百骸之欲一有不遂皆為心病外而至於養父母榮 **叢至所謂身之患者饑渴寒凍疾痛勞苦耳目口臭四** 竊嘗誦老明之言吾所以大患者為吾有身也及吾無 不能盡其巧况畫史哉嚮於長春道官見玉帝觀魚横 跋李文靖公傳後

大巴马里人的 當少奪孔子許之以好學者正謂此耳不知今之為學 豈虚言哉故顏子單食縣飲破瓦陋巷而此心之樂未 書立言焦思勞神死而後已然則此身一日全存諸患 為貪屬為虎豹豺狼為倀鬼父久不泯然則身為心患 所學者何事去聖人之學不亦遠乎冬一日讀李文晴 一日不息其嗜欲深者雖尸骸僵息魂魄游散人化而 公傳見公淡然無欲因以書此 紧山大全集

不可勝計過此一間者又有為學進級功業名譽者著

金发过程之二 聲退食無居申申天天思及日月星辰唐帝之所以 重者鎮撫之特命內相左丞張公益馬公來治魏章 名懷孟衛揮相磁形治實中夏之腹心可擇望崇位 舊弊立新政布宣教條姦吏簿俗不嚴而畏不懲而 惟皇踐阼之元祀分天下而為十路置宣撫使以大 勘自未數月民安事簡公庭清肅閱無告許聽斷之 滴漏鉛有序

歌 里里全書 完是以挈壶無氏為可愧也命藝人郭若恩求諸古 由之習為耳目之常不知其為功也不知其為政之 令代一木制一器無非取於天時者故有書以推其 管觀周官大而六卿細而百執事至於發一號施一 唇刻有器以占其常變成法一定萬事永頼但因之 所當先也國朝撫諸夏幾五十年司天有官歷像未 精動則之者盖以民用天時以生活與作晏息順之 則吉逆之則由故曰百工惟時撫于五辰庶績其凝 紫山大全集 Ŧ

易為爰究其理伊誰其智職非其人道亦廢墮執一固守 符兩儀智周萬物冥點而思寅寶寅錢仰瞻俯推竹之 **璣衡我持朓胸薄蝕數無我違民用以生歲月日時百** 甲如指諸掌不差毫緣不先而速不後而遲暑寒晝夜 工庭績以成以熙萬事永頼大功巍巍成法一出視之 天地之大轉能度之日月之行轉能窮之思古哲王他 以管土之以主等數象歷王衛璠幾測遠如通窮高如 制而製成之門士胡某識而銘之銘曰 大己の国とます 威其容如虚我公之慈趣時與息指南元龜願毒我公 之思如漏之滋我公之信如刻之麗其直如失我公之 | 堵來窥魏人有言至而可期魏人有言我公無歸我公 溶溶云云約其增虧畫夜百刻與天同機魏人聞知如 典後先合宜學壺有氏能自得師弗緩弗棘靡傾靡歌 訟稀吏畏其民改前之非民服其仁不忍詐欺大舉廢 格循矩規惡知天道與時推移神州陸沉百年於兹叔 原乃弁乘遺動作宴息醉昏夢迷公來治魏政平 紧山大全集

於斯民養正氣以周德挺直公以東釣順秋冬而識智 金少世周台書 逢嘉時五福備乗孝思名世士端影詞欽盛德為歌詩 婦德貞母訓慈水縣苦守一児登上壽髮半絲享 神報施公無私 福禄如茨大書深刻識以銘詩 去溽暑如酷吏邀清風似故人洗熟中於俗士解蘊結 扇銘 救水堂銘

柔必强百未一施檳死南荒歌圖公像野夫冠裳公宣 應春夏而施仁惟出處之中即能逐害以全身 廣體平事亂無成身辱心驚自警自銘擇害而行 東夷飛楊西戎陸梁時議歲幣襲為故常宣無良策雖 公勤康幹百事皆辦私怠貪懦百事皆亂事辦名祭心 贊 東坡賛 濟寧座右銘

飲定四車全書

紫山大全集

1

章死不可泯文正忠剛魂兮來歸瘴海茫茫 野人與世相忘鐵龍橫膝雅志莫量緒餘土直雲漢奎 不吐艱深言不為卓越行臨深履危悉歸之平易用舍 髣髴得見此像亦足以起敬起慕發英氣而洗凡鄙 具在方册後世可得而見高風絕塵之資不可得而 此畫極高盖臨李龍眠之為真也東坡之文章志略 .柳當寶藏之胡某盥手書 王西溪畫賛

がんだりましたよう 年與物無競 不敬氣分四時感春也多士有九德得寬也盛樂易百 行藏一安於義命無城府而人不忍欺不崖岸而人並 紫山大全集

					THE ATTENT
		-			
			,		卷十四
			•		

之一口巨 红色 武勇可以折强暴而不能得匹夫匹婦之心權謀計 欽定四庫 可以欺天下而信不孚于豚魚此無他以力不以德 紫山大全集卷十五 不以誠也惟德可以服萬世而動天地惟誠可以感 碑 懷遠大將軍彰德路達鳴喝齊楊珠台公德 全書 政去思碑 紫山大全集 胡祇遁 撰

元壬辰讓位于其叔未幾御史臺上聞陞嘉議大夫山 東東西道肅政廉訪使士聞而榮之既適任邦人懷慕 銘刻人心者為可尚已此古之所謂循吏者也彰德路 達嚕噶齊楊殊台公承祖考世爵監臨本郡九年至 足尚哉惟惠政實德遺愛去思使人愈久而愈不能忘 虚美立生祠樹豐碑不為少矣若此者在律為嚴禁 手繼以詭譎違道干譽糾結姦點欺世盜名取口稱張 冥碩而格鬼神人之恃皇威憑帝力禍福生殺出自我 为四位 白電 何

以厚薄俗以勘來者噫不惟今鮮斯人求之于古亦不 貸公罪則以情恕之同仕官太過不及懷私相干犯亦 くこうこ ここう 寬容而禮貌之喜怒不形于色相愛結歡三年不改易 明諄諄開悟使人愧服悔過而退吏或不法惟贓私不 勤厚傾貲倒廩而不吝惜聴訟詳審不大聲色情偽既 者枚菓升酒不入于門及其館較貴人延接賓友豐腆 多得謹按公到任至移官歲時伏臘人心樂為之歡慶 紫山大全原

不己磐石狀績乞言于不肖頌公之德美歌詠于無窮

郵定 唐酷吏之不為者盡其毒強死者相望所在有司股 汴以事趨謁路值民車千餘曝炙于火雲赤日人牛困 惡黨禍毒天下以追徵逋欠為名所至凶殘百至雖漢 **暍不敢進退公即白王放歸二十七年姦臣横暴分遣** 禮敬事之至元二十二年夏旱齊沐徒既凡可禱祀無 屏息而不敢言亦及有助惡為姦以肥其家者彰德例 遠通致誠竭處不三日甘澍霑足是歲大熟鎮南王駐 無一言之相謗訕士大夫之年髙德劭樂道忘勢以師 匹库全書 N. 卷十五 文記事全 皆得平實生長富貴不見豪習書翰得法無事則觀書 南夷供奉不擾而辨鄰郡疑獄凡委公推決者無異解 被其害公抗直不從哀訴於上一郡獲免梁王往撫西 鼓琴以學校養才之地釋真釋菜身先屬吏祭器按圖 民無愆罪生瑕班民無關訟牽致之片言可決留歲時 為舟楫者又未易言也謹因民之深愛而為之頌曰 之德政此其大畧也若夫以州郡不得展驥足為霖雨 命工補完精緻以月俸買書千卷入府學萬卷堂嗚呼公 禁山大全原

羣萬挺出青松枝鳳凰寧與難同時鵵雜豈顧腐鼠鳥 以緇為白白為緇齊民枉法肥我私汙濁苛虐相承 思 撫摩黎庶母護兒嗚呼宜乎碑去思嗚呼宜乎碑去 清廟玉瓚朱經絲宣弟樂易仁且慈九年惠政雨露滋 至元十三年秋八月巡按平陽遇潞州一人持狀來前 人民疾怒難怨咨淟忍無恥如韋脂有人於此異於斯 潞城縣尹吳公去思碑 111 師

状聞願以誌石之言為請聽其言而納其狀竊自喜歎 實績彰彰可舉偕农而議吾儕小人蒙吳尹德政銘諸 將謂屈抑控訟以更詢所欲言則曰某潞城編民身無 分也好善疾惡使君之天資也故甘冒干浼之罪敢以 謝忠厚之風諭子孫以及隣邑且激濁揚清使君之職 朽使吾賢尹之善勸來者以名後世吾郷感恩戴徳報 心者死不可劘此身百年誰其知之曷若文石以傳不 冤訴前潞尹呉君去任今九年矣遺愛民不能忘在政

大王可臣 在

紫山大全集

情為可信漢史傳循更而不傳能吏吾言其可以已乎 貌曲邀横結之所能致哉是人也雖不熟其平昔以與 譽者十一二去任將十年使人思慕紀石是豈聲音笑 我朝官制自中統建元頗慎推擇州縣之寄尚或非其 产名讓字某銅裝人飾吏事以儒術勤恪豈弟胥史有 及民不為姦蠢所欺行野訓農星言風駕駛曲周至不 過諄諄諭悟不嚴而化公家貨易諸物錙銖之價手自 人秩未淌而為土人告許者十三四幸免者半無毀無

金石四石石湯

九三日日 日本日 恒視聖人相去異啻天壞吾夫子愛而弗棄者人之為 案贖異日當史筆傳循吏者自有所取而詳言之耳孔 之政此其大界也至於一言之可取一事之可書具在 子曰聖人吾不得而見之矣得見有恒者斯可矣以有 急不徐趨事赴功勞而不怨家僮馬食民未痛絕而倍 胥之警去官之日裘馬書冊還家一無毫髮攜智路尹 酬其直豪族强宗侵漁細民者屏氣東手庭無滞訟剖 決如流終考事無巨細行信板以示告村落無吠犬里 紫山大全集

為衰老務得之氣血所移不徒為是石之羞亦何以面 吳尹者亦罕矣推是心以往治一州撫 潞人吾之所信者潞人之言潞尹之政已往未來者吾 易其德業豈易量哉若夫矜小慧忘遠大忠失茍禄 善恒久而不己為賢為聖將有日矣貪暴邪枉中而 不知之矣 能種德積善福禄來報不在其身必在子孫天理的 霍食事世德碑銘 郡恒久而 洏 如

金罗巴尼人門

卷十五

足下口戶 二十 家譜諱字後世無傳馬曾考當監本縣稅祖諱嵩以法 世德以墓碑求銘詞霍氏世為唐山人高祖以兵亂失 于霍氏見之矣愈山東東西道提刑按察司事奉訓霍 者亦豈妄自矜負言猶在耳而徵應隨至豈虚言哉今 富貴利達則知祖考之平日前人翊子孫以髙大門閭 昭信不可誣故視人之所為而必知其有後觀後人之 律案牘精明詳審為那州孔目官郡守性褊急以喜怒 公改葵曾祖考三世于某所以不肖同仕分義之故状 紫山大全集

其始末考諱珪字子璋登律科第以親老永侍不仕官 意年甫四十托事勇退為黃老養真修煉之術道家所 愛僧決事公抱案與守辨正是非屈直雖臨以盛怒不 孫易棺改葵容貌如生咸驚異之至今鄉里者舊能道 謂洞天福地歷歷游覽異人仙侶日相從游遂得其法 懼不屈雅雅容容辭盡理到多所平反恐日久積忤守 仙去矣遂獨飲大醉而逝時年七十有二月餘兵去子 日兵亂衆皆驚惶逃死無所公笑謂人曰我當屍解

金月四周至書

其材碎充幕官干戈擾攘文移如織使者旁午公隨事 者十七年父既仙去奉母夫人王氏避兵裕州帥府聞 誓不復仕閉門以經史自娱雖里開罕識其面生理蕭 決者一言裁處人情時宜無不允當般皆嘆服每按大 大とり事を言! 條怡然泰然不恤也邦人以素學專門願以子孫極 里至南肥舊帥府屬吏張君玉輩留挽因家馬未中年 獄悉聰明致忠愛全活者甚飛城陷母殃兵亂定還鄉 應變剖決如流雅容辨集若無事馬事有疑難衆莫能 索山大全集

金いりであったい 受業堅拒不納但勸以孝弟讀書一時官吏士庶莫不 師尊之每以疑事咨請疑曲立決歲甲寅五月七日 儀勤儉慈爱事舅姑盡孝事夫以敬順至元丁丑正月 病終于正寢享年六十有幾妣范氏廣宗名家婦徳母 九日壽終享年八十有四四子長曰辟牛次曰儉德次 州陞府府保貢于部用監察御史以公原為補憲臺樣 日 服 仙郎次日肅郎即奉訓公也年十六丁外艱哀毁柴 以母老家貧不服擇禄降志辱身由縣吏而州

文子写真 公公司 問居錢塘界家行臺行省保舉辟召皆不赴至元癸未 是歲秋改克杭州總管府治中明年冬改授揚州總管 官明年春行省奏南選升降不公就陞鎮江路總管府治中 轉主宣微院事至元丁丑姦邪用事剛正廉介不容于 夏授奉訓大夫食山東東西道提刑按察司事公剛 特子庫克新拜行省左丞專務掊克聚斂公稱疾求醫 朝然無罪指詢議以巡荒遷注改受安慶路總管府判 府治中未之任改同知兩浙總市船司事時權官何哈瑪 禁山大全集

金罗里尼石潭 銘曰 歷任在官政績俟千歳後神道||一具載兹故弗言當 而揚歷中外為賢大夫今才甫踰强仕前途豈易量也 廉介見可而進知難而退發身以吏成身以儒不十 志偉歌奉訓剛正嚴厲許身古人脱畧時輩詩書箕裘 刀筆志則仁義霍氏一門祖孫三世世守其業蕭曹之 人生兩歧勞力勞智不農工商含士奚事秦漢之交取 無藝 時豪傑隨世所貴如蕭如曹咸隱于吏業則 卷十五

久足四年全 民之食發私康起餓殍賴以全活者不可勝計公幼業 餘以周惠之稱貨而不能償者悉毀其券歲壬辰兵荒 氏呂氏兩世治生商賈累資富貴鄉里貧不給者出 **糞土財利入仕十年揚歷中外在清流中又作涇渭御 夹夹吉卜先坐大碑深隧種德增光有隆無替** 史臨民親愛而畏永言孝思罔敢失墜萬門之言炎炎 公名焰字彦明為齊南人祖諱全妣韓氏考諱信妣李 張彦明世徳碑銘 紫山大全集 有

祭議 微終考課最該路至元二年宣命金符濟南路 督府員外郎未幾改充山東東路廉訪府兼轉運使司 金岁日五 防幾密就遷左司提控案贖四年出為山東東路大都 擾中統建元立中書省省掾難其人公首膺選擢掌邊 **十萬五千兩悉得開除貧富貴賤免重徵之苦民用不** 畏謹幹考功上計十年無敗失以勞能升本府從事歲 己未赴壽陽行省會計出入積年錢穀陳訴不允銀 儒以科舉進士之路廢改習吏事起身濟南總府振廉

屬縣點吏扼持官府侵譬細民夤緣為姦利察知其尤 右司員外郎八年官奉訓大夫知兗州事時春夏不雨 新霓耆老七百人繼狀申明知州公明斷為民除害 欠己可臣 二 人者逃匿不知所在瓜代克人刻石頌徳十一年四月 **装暴者痛繩而除其名羣邪為之屛息二吏赴提刑司** 二麥將稿吏民闔境禱公入境而雨幾二尺是崴大熟 人誣節虚妄不可聽願將若輩投諸水火無憾也 鄂勒總管扶滿除陝西五路西蜀四川行中書省左 紫山大全集 Ţ 北

從公話軍門定約降期三日朱制置以城降乗勢草檄 直抵惶池諭以廢興眾寡强弱形勢奏豁議者四人出城 州主将李庭芝奪城遁去餘衆據城未下公不避矢石 瓜州鎮江守国揚州師百餘萬比炎方悉平凡再閱歲調 相奏羣臣之功蒙旌賞錦衣鞍勒宣命金虎符官加大 度糧運供給器械有備無關婉畫奇計為多十三年揚 改授淮西等路行中書省左右司郎中方大兵渡江及 布淮東未下諸郡高部真通滁相繼疑服江南平 丞

金月四月

る言

卷十五

方甫定人心反側未安揚州立省府又當南北津要公 中大夫楊州路總管府達嚕噶齊商議行中書省事炎 **閻里以安十六年改授鎮江路總管府達嚕噶屛未半** 以强明精幹謹慎小心部大繁劇安集新附官府復治 **飲定四車全書** 畏信愛慕不大聲色而優游臥治朝廷行且圖任舊 十二年起受東昌路總管年始六十矣老于為政吏民 府學以作養學者居閒五年怡然自得若將終身馬二 **歳以疾辭得請選家買書八萬卷以歸以萬卷送濟南** 紫山大全集

子男若干某某女若干某某適某人二弟曰煩将仕位 郎勝鹽司副使曰耀将仕郎河南等路提舉規措所事 共政比秩滿邦人雖欲借冦恐不得矣夫人某氏某氏 路提舉學校官高翊序銘于石矣敢援古人第二碑之 春正月七日以狀來曰先些旌紀世德前二十年濟南 猶子四人曰時中從仕部泰州鹽使司同提舉城之子 例為請庶幾吾子吾孫知吾家積徳之漸以有今日恪 日執中嘉祥簿兼尉耀之子也餘幼業儒至元丙戊 卷十五

慎克孝光紹光業而不敢失墜也謹因來狀序而銘之 總大郡兮但臥治起孝思兮封墓隧銘兩碑兮傳永世 老凍餓兮賤無位偉張侯兮材拔幸孝父母兮友昆季 苦寒微兮甘富貴古到今兮情一致才不進兮時不利 鉛曰 参大政兮洪大議坐廟朝兮歷中外者指使兮如壯鋭 不師友兮能自屬奮青雲兮起平地日千里兮進無退 名日隆兮志日遂光祖考兮福來裔起懦夫兮發奇氣

次足四車 全

紫山大全集

慕哀痛得罪於天地鬼神夫復何言謹小以至元十 先人棄諸孙十年于兹矣每以封樹未隆旌紀不石追 年春二月二十有五日祔塟於成安縣歸義郷郭孟里 奉議大夫知磁州事兼知本州鄂勒事鄭公以書來曰 示後人兮母失墜 裔底幾少舒積年愧怍之恨謹按來狀序而銘之鄭 之先瑩誠得吾友艱著生平之事業刻之負石的示 成安鄭氏世德之碑

次足四年全書 一 今薛公文卿久知公才名推擇為縣功曹未幾薛陛元 流竄府州邑之可立者立之才能有用者擢用之成安 寝鷄未鳴而起若是者有年業成将射策於有司貞祐 儒為可學業進士舉克自勤苦寒不鑪暑不扇深夜而 君章幼孤養於姊夫張氏為兒不好弄成童有立志以 自奉議公之祖考始居成安遂占籍為縣人考諱壁字 元帥完顏惟宏握兵開府於林慮固嚴色以自守招 河朔兵亂不能成其志金主去燕走梁以魏相為邊陸 紫山大全集 <u>†</u> 徠

為樂郊公之力也有以來時從風當自奮拔取髙爵食 十萬投駅內屬是時土冠紛等妄自尊大奪攘皮劉互 里依元帥郭侯智説以收合成安十餘縣户数萬口數 帥 人事推度其疆弱廢與以定去就不可復南挺身還 而帥府以孤軍不能立府事廢而官吏散亡公以天時 勝負莫可適從公佐郭侯曉以天命示以逆順强弱 以禍福成敗疆暴為之受約束教條棄兵力農熙熙 府軍民都彈壓萬公廉慎幹局改充元帥府禄史既 郷

欠足四巨心皆 表為法慈順姆睦外內無問言子男三人長曰愈字希 月二十有八日無疾而逝娶張氏有賢行母儀婦常 澤而馬歇段不為鄉里所疾惡斯亦足矣乃角巾私第 終歲後人所宜為也以儒術師吏事豈余素心哉車下 尊禄而問公者公曰人生富貴功名在致力於壯年豈 師愛慕如春雨冬日享年八十有三以至元七年冬十 不入官府以者德年髙浮沈鄉社鄉人尊敬問學如父 ·即奉議公也中統建元以德行才能選為中書省掾 紫山大全集

| 举祖顯 愿泰州提舉司知事次曰恕林州三務提領孫男 金ラリアとう 為子為孫者追孝於前人於光有耀又奚止如斯 子孫昌盛而篤生奉議公萬門之慶豈非明效大驗 **必在子孫則一也公有徳** 言曰人之精徳精惡固不同其以福禍報施不在其身 某官遺變善政在在去思功業日隆方與而未艾次 秩未滿以隨朝辛苦之勞出為某州某官四五轉而 祖光祖 紹祖 繼祖慶祖敬祖孝祖安祖先民 不耀有才不盡展年登上壽 有 回 至 軟

德業日職數歷中外畫錦來歸松椒有光鬼神其依封 無脛而馳無翼而飛有進無退貪受敷施以公之材 泥不騫不衛自晦自怡屈久而伸三鳳飛輝孝哉奉議 此心庸人莫知公之處已聖人是師栖屬於棘蟠螭於 無可為委吏来田能者恥之賢於堯舜黽勉卑微嗟嗟 耶宜為銘以歌之銘曰 樹旌紀高塚豐碑百世不磷勒以銘詩 欠足四年全島 大元故懷遠大将 軍彰德路達嚕噶齊揚珠台 紫山大全集 Ļ 詎

重りであ 罕叛入太丑軍太上皇疑其有異志指天而誓曰臣以 公名納琳居準祖曰圖薩博多考曰圖爾哈徹爾巴圖爾 爾哈徹爾侍太上皇畫從射獵夜謹宿衛其族弟博 同艱苦事定酬熟因其所居之山川紫賜氏曰楊珠台圖 相承為太祖太宗圖爾哈飲水於班珠爾納蘇圖開創 死無二心遂奮不顧身殊死以戰大敗太丑軍滅博囉 上皇喜其忠貞許以土地人民解不敢受曰俱非 公神道碑銘

とこりらんい 鞍珠服織錦海青鳥恩光稠疊照映外内公以丁已歲 裘隨拜王命賜七寳大帯曰惟此可以佩金符是後繡 符職如故語詞曰以爾王室舊臣常者勤動仍賜孤白 所欲也臣宗族散落願托天威聚集之得四百餘家復 夏四月到郡時道旱解鞍而雨郡當南北街要使者旁 金符授彰徳路達嚕噶齊以本位湯沐邑也未幾佩虎 為大族太上皇四子以公隷錫喇大王位下西征留公 領本位諸局繼受令古充本位下達嚕噶齊先帝龍飛 紫山大全集

行營奏日奪耕田而為營牧南方土壤易荒但長萬蓬 由是經歲外户不閉無犬吠之警先帝南征部所經官 **黨與連結恐不測起獄為民害戮首從七人民心遂安** 奴婢小奴婢者切民財殺捕盗官而去人畏其凶强 望隆重過此走謁而去市井無一錢之擾强鬼數單大 午前政以送迎館穀多被譏謗督責公以累聖知識 敢話捕公嚴責有司立獲於衛州市中部下報公知其 一里為營盤牧地裁己未今上六師南下公迎 拜 位

多与四月百月

えいつ町人は 時備顧問故多在京師凡大宴莫不與馬在郡十有二 精密典故極多难公能盡其說曉其凡例雖居外都以 荆棘無美草莫若使民樹藝五穀師行則牧馬振旅棄 年不置田宅戊辰 得疾上遣醫賜樂不絕上一日宴百 代償民不勝因乏奏紫蠲免鄰郡亦賴以復我朝語言 上欲用公於廟堂以病辭諸路積年通欠皆令見在户 五千項庚申建元上即位諸王議事於金帳惟公得與 餘則今民收獲軍民兩便上喜從之民復舊業得地萬 紫山大全焦

仕皆先公卒次曰伊兩圖仁厚重静襲爵彰德路達鳴鳴 **圓噶侍從賢王立功西域次曰阿固岱剛殺沈雄未及** 多爾沁氏子男五人長曰額吗充中書省斷事官次曰雅 介論事雅容悉理撫民寬仁不苛暴夫人蘇爾圖展氏 私第之正寢享年六十有三實至元六年也公忠清廉 如此人出嘉言者明年還都是歲十一月初二日薨于 忘危聲樂烏可以弭邊患上喜諭羣臣曰舊人故多無 官於萬歲山數甚樂奏北事未寧公奏曰願陛下安不

金月世屋白星

名鉛曰 幹里襲爵九年讓歸于叔陞嘉議大夫山東東西道肅 政庶訪使去任民懷思之刻石頌德曾孫男一人幼未 路大達嚕噶齊孫男二人長曰超台剛烈有父風次曰 恭敬謙和以侍從勤恪授直省舍人遷南京治中至元 齊授懷遠大將軍有惠政民到今思之次曰伊爾布哈 北冥王氣開聖神鯤鵬際會垂風雲黑河飲水股版臣 とこうに とこう 二十九年以姪嘉議公譲職復承先業中順大夫彰 紫山大全集

||一金元四月全 萬里版足今始伸州郡小試非要津為霖蘇旱活飢民 臨民惠政多寬仁安陽父老拜馬塵祝公調鼎宜千春 英靈一夕還星辰那人追慕良悲辛壽爵不滿公忠勤 英哉我公難等倫三朝眷顧家殊恩殊袍錦帶萬金珍 錫土命氏酬元勲楊珠台氏門望尊豐功茂烈多異人 慶元千世長沄沄 天報有子仍有孫孝讓髙節簿夫敦才兼文武知經 鞍海鹘白狐温忠貞謹恪盖檢身有隆無替光寵新 卷十五

|蘇之賢不肖彰徳居十路之一又當南北之要衝朝廷 都縣以承上接下都縣之守令例以歸義效順者就為 次咸聴命馬生民之休威政治之美惡實係於達嚕噶 制簡而不繁統之有宗內則一相宅百揆贊萬幾外立 太祖皇帝受天命臣萬方太宗皇帝繼體守文一新官 之仍選蒙古人一員鈴壓其上謂之達嚕噶齊守令以 大元故懷遠大將軍懷孟路達嚕噶蘇兼諸軍 **鄂勒蒙古公神道碑**

欠己日年全年

紫山大全集

|齊歲丙申之四月也時金亡才三年民始脱兵瘡痍者 金罗巴尼 未起逃竄者未復居者猶未安禁網珠闊兵卒恃功不 以公為能自呼圖克帳下扎薩克齊擢拜彰德路達噜喝 且荒怠苦汝者吾能訓導禁治之令下强暴者柔馴而 民者當以法繩之工賈居肆者各成其市門户開朗安 能無侵陵攘奪之暴雖城郭井市之間外户或畫閉而 生樂業無騰疑恐懼為農者各安畎畝趨時力田無苟 不敢啓敞公解鞍涖政知民以是為苦即下令曰敢虐 表十五

喜曰是全治我父母妻子親族姐姬舊使君也歲已亥 火攀送號泣而不忍去後四十年改治河內百姓聞而 莫敢犯野耕途行坦坦熙此始知有生之樂歲戊戊春 久已日東 Marin 相衛蝗野無青草民之食公訴告於執政大臣呼圖克 王嘉其言而從之王榮伏誅而闔境得免郡人壺浆香 分軍儲糧五千石以起餓者用是民無流殍歲庚子至 殲之訓公對曰王師討逆有從者猶當宥况無辜乎國 二月懷州守臣王榮叛太師國王命公討平之且有殄 紫山大全集 Ť

兵柄于我寄一郡之命于我将以我平寇耶以我為寇 黨送亂兵官乗釁欲夤緣縱濫公曰國家貴我富我委 是歲招來萬七十户歲戊申春正月輝州賊人朱葛結 給不匱而民用不擾歲丁未淮漢諸城隨下隨叛民無 癸卯四年大舉南伐所過官吏告病公以忠勤預備供 金罗四屋台灣 役督逼屋空十三四公命官四出告諭還業者復三年 諭萬餘户悉以為民三尺之童不遺也間歲比不登賦 所依者南北奔竄邊將土官争掠以為功公以恩信招

次定四車全書 沿足中統三年春李璮叛遣奸黨偽嗣遠圖不軌東西 於貴官阿勒廷爾悉城為良庚戌夏旱公齊戒祈禱甘澍 於貴人責斷處女六名寄留而去至是将十年公申明 審問推情據法冤伸罪減前後不可計安陽農家得罪 毫無所犯歲己酉春三月賊人薛志全亂如前策而平 麾下以往獲賊三十八人於黑鹿山郡人安堵如故秋 耶不用汝軍妄自張皇賊不獲亂不平吾任其責即率 元戎察罕知公應明寬仁每遇諸路解送死囚即委公 紫山大全集

第之正寝享年七十有一公蒙古人小字蒙古巴爾父錫 達噜噶齊兼諸軍鄂勒二月二十有九日以疾薨於私 展子男七人淖海嘉議大夫淮東道肅政庶訪使博羅 政庶節所去見思佩金虎符超拜懷遠大將軍懷孟路 早禱雨而雨是年改授明威将軍中山府達噜喝齊至 巴爾母稜拉夫人六額齊濟徹辰伊蘇塔海趙氏蒙古 元七年遷河中府達嚕噶齊十一年春以熟舊老臣仁 經數路官府其能辨公發詰而服姦謀為之破散四年 者必殘而應者必仁如形聲影響之必然盖貪則不足 武惠将軍萬州達噶噶齊自益仕知子民之方所至政 公之德政以神道碑來請銘嗚呼歷觀古今之為政者貪 宣差小女兒適省宣差男既葬之七年其子淖海等状 聲詢然去則民不能忘齊諾舒庫爾齊能以恭勤自律 博羅展適濟準提舉伊勒謹適黃頭百户噶噜廸適全 都岱適大丞相忠武公之子右丞史侯阿什克適王宣差 扎瑪哈特穆爾竒塔特未仕和拉推勒早世女六人諤

三人是日本人

紫山大全集


是之謂尤難在一時牧民之官當為第一流人銘曰 **磨廉更循更亦可以無愧若夫不學而不能為風俗** 田府風雨取温飽而已薨之日遺子孫者無别業餘財 不苟得不苟得則雖一介之輕不義則不取也又安肯 不足則凡可以力取者雖以一已害天下不顧也魚 元武問氣篤生異人發强剛毅淵靖沈恂大藩名郛來 物以益己哉公治彰德近四十年所居之室所食之 能形而為政一以富安全活愛人利物為務方之漢 則

金月四月

るする

五

新市野雅熙强暴柔馴里該途歌散騰四鄰鄰人有言 **那人追思日見丰神墮淚而碑不在斯文** 逆好和貪殘鼓軍渠魁伏誅脅從獲伸律兵而還不囊 愛養時雨陽春悍將驕功侵陵賤貧德威惟畏悔過自 文之の事心心 世豈惟兹晨宜其有子繼雅朝紳宜荷聖念錫名忠臣 孰匪我民惟彼相衛樂耕樂耘我無父母恩胡不均凶 經來綸解鞍治政無非至仁民始脱兵瘡痍吟呻照摩 **編吏感其應成知爱身民懷其惠如子蔡親遺爱百** 常山大全渠



欽定四庫全書等以全集卷十次

侍讀臣孫球覆勘 腾録監生臣董

詳校官庶吉子臣朱 理

騰録監生臣王人作

誠

次定四年公馬 SERVE WAS SERVED 1. A. 不勞力而定自是以降迄於 紫山大全集 信視取萬方真九有如 夏武王獲尚父而翦 胡祇遹 撰 國上將軍御史大夫舒穆曾公公薨五十有五年公之嫡 挫錯聲實相應順則撫之逆則折之一我衣而為我有 · 文堅平險代謀破說固出於神武屠知之獨斷而其陽 皆然我太祖皇帝起朔方入中夏不數歲而奄真萬國 無人馬河山左界東際于海北首燕雲南抵淮漢推鋒 開陰闔鼓雷霆之先聲虎搏鷹揚震風雲之餘勇者豈 者實太師移呼里國王忠武之功也太師之貳將曰鎮 一與修短治亂雖不同而君臣際會股肱心於莫不

之公姓舒楊唱氏小字額森其先特爾格人仕遠世為大 |曾孫良輔状公之平生以神道之石來徵言謹序而銘 其遜悌友爱而從之今自道陵崩逆臣擅命乾網解弛 直兩朝語言風俗政治典故耳目習熟仕金為譯事未 官兵亂譜牒廢世次莫能考公知顧悟未冠雄勇過人 以將家子弓槊鞍馬不習而能及長精通吏事契丹女 夫長公請讓職於族兄章達納願以副貳自處金帝嘉 幾以明辨康幹遷西北路招討使幕官繼以軍功拜萬

太師穆呼里國王帳下王道欲取東京兵駐臨潢高州 數曰天時人事上下相應金德衰矣事可知矣中擾而 事口胎面樂軟竭如婦人女子一旦內亂速起惶駭憂 宗室貴戚素無威柄重以宴安供樂界平日久平居無 以公為前鋒覘其虚實圖攻拔之策公倍道兼行距城 外潰吾以窮身孤軍其將疇依天命其在北乎逆天者 懼莫知所為我太祖提兵南下所遇城邑從風而靡公 不祥遂同族兄率所部之聚而歸太祖皇帝帝以公隷

金少工匠

人うすい

遣吏給報城守者曰新官至矣守城吏出迎即入公解 甚通道值新官留守來之任公襲殺之獲其章服語命 **之元司事在前** 吾新自朝廷來他郡寂無此音且俱不設備母妄苦士 中聽事謬謂僚佐曰城樹以兵何也更以邊聲對公曰 和偷塞勒弱之副將軍事一決於公敵城之堅瑕人情 民下令撒兵安以温語老幻為之帖然潛遣使以告太 謂仁且智矣太祖南伐太師奏公知兵承制以為托 太師兵至不血刃而得一大郡口數十萬公之用兵 紫山大全集

金牙巴尼人 一聽公約來歲丁五六師復南公師諸将攻蠡州親執 監軍王守玉偕來至闕初自療水東遼水西土地郡邑 名皆下之以功歲乙亥五月特恩錫虎符拜鎮國上将 桴鼓為諸軍先以死報效須於矢石之下時年四十有 軍以御史大夫提控諸路元即府事是歲十月記同左 之向背目中所得莫能逃其葬遂自北京幽薊益都大 不有其躬置身於死地而不自情竟以勇斃惜哉公天 一嗚呼以公之才方之古良將不為過惟其忠於為國

少之可事全等 資廉潔身後家無餘貴訓兵持賞罰甚平不以親戚而 諫以殺降不吉國王從之闔城得以免死獻辛五太宗 轄克錫博羅蒙古氏所出也察喇剛直有父風發夫無 都堅守不下力窮出降諸將以久拒命欲屠之察喇切 屈法不以仇怨而沮功夫人三長曰蒙古氏次肖氏耶 取平陽太原隰吉岢嵐諸城歲丁亥從博囉國王攻益 律氏四子長曰察喇次曰轄克錫洛日博囉次曰現察喇 不中當一日射飛雉三十歲戊寅襲文貴從太師西征 紫山大全集

授黑軍總管三年平李遭亂以疾卒於漁陽享年四十 有三次曰彦文純厚孝太與中諸軍鄂勒長曾孫三十 善射當知與中府後隱居不仕一女曰毒仙適遼王子 尹興中府中統二年皇帝思念先朝舊臣有勲於我家 孫二人長曰庫鳴熙氣質超邁剛正善弓夫承父職魚 克錫不仕博囉志大而早世琨耶律氏所出勇力無人 魚北京路達鳴喝齊歲癸卯享年四十有四卒於柳城轄 皇帝以察喇功臣子能繼立戰功授真定路達嚕噶蘇

金にないたといる

卷十六

大定日日上 一陽之野灤水之滔大書深刻有豐者碑千秋萬古不劘 |危失我名將孰云不悲公乃夷然視殞如歸英名天壤 熊虎姿風際雲會貳我太師兵不師古有正有奇智信 豹死留皮宜其有後若若累累世握兵柄益光前輝遠 志士有言馬革裹屍不材擁腫毒考奚為維公天禀得 餘人某某立孫若干人良輔庫唱點子也世父官銘曰 不愿過者飲從如拜生儀死事一傳熟措其辭忠武 仁勇左右具宜廓清寓縣傳檄可期猛不懼險忠以忘 紧山大全集

金少口居石量 怨謁曰先人隱德百年不求聞達不肖自膝下受教至 中大夫同知福建道宣慰司事李侯狀其考妣之行踵 諡子孫孝思太常太史視此銘詩 李隱者墓碑

憾竟棄貌諸派於今二十有一年矣先妣前此二載亦 以疾棄世以吉卜已得同定惟是表封者無有石已態 粗見成立承意先志溫青甘白之養百未一遂風樹之

矣敢百拜以請謹按君諱聚世為安陽人謹厚有襟字

者有所依賴不妄遷徙是時新發生於兵隴畝關市外 東平嚴侯檄君招集流散而撫安之居者寧寬移他鄉 戴客無徳色不責報償報皆院服長於生財不三數年 完顏金未亡之二年歲次壬辰河南北兵荒人不地著 博弈靡不精絕長年絕以游戲為樂君委曲承順怕然 内蕭然足食者十不二三君能出囊箧以周給衆皆感 益致富有君與乃兄幼失怙恃兄以多疾父母憐之凡 欠足以車全套 可以娱悅其心者縱使為之因是不事家人生産越鞠 繁山天全樣

多クセス 錦繡纂組惟以緝維為務慈愛僮僕如子姪雖有大過 客必致其允若歡於而後已兄後得風疾飲食湯樂必 泰然課童僕員錢幣以供具兄禀賦躁急少不如意軟 婦以為法君享年八十至元六年十二月日以疾卒於 女也亦能恭順孝友敬夫事長如嚴勇姑性儉素不喜 親當之首尾十年猶一日也配謝氏斯黄元帥謝公之 怒形於辭色甚則及於笞詈君敬畏軍遜承以和氣婉 諄諄而教口無惡言鄉黨鄰里事上教子必舉李氏夫

些一子名才郎少中公也子妻王氏婦德毋儀一如姑 德少中公之煎業見於某州去思碑效忠堂記兹不復 呼噫嘻教表道微兄弟為讎相怨相尤父母俱存離析 事以壽終至元成子九月日同科葬於安陽郭村之先 正寢夫人享年八十有三見具子同知福建道宣慰司 里仁而我亦仁未足多異民鮮而我獨能庶幾高致嗚 云孫男岩干女岩干銘曰 分兹時兹辰而得斯人事兄如父敬嫂如母途彼之

欠日うられる

紫山大全集

偉既冠喜交結豪快輕財尚義氣貞祐兵亂金自然走 懋建殊勲致身青雲晦久而彰宗族生光松檟千章豐 金牙四周石書 宣撫使置司事權公為磁州判官未幾陛本州刺史懷 砰深藏繩繩繼眉世其昌 怒有順無件孝弟之誠通於神明天報其德乃生賢息 公諱平字平甫世為邯鄲人祖考皆隱於農公體貌慰 河北不能有以隆處險固可守命宗室惟弘為河北 故磁州安撫使李公神道碑銘

|将軍淫源軍節度使行元即府事佩金虎符雄鎮河朔 宣無司公高卧不起丙辰正月十日以疾卒於私第享 解以給飢殍臨政正已率下不可干以私歲辛亥例罷 餘口於磁無緩之前職如故與子秋公以熟舊改本州 士 及春太師奇 爾濟 為奏奉朝命以公移潼關軍民千 人衆五萬口請軍投身我朝太師國王承制授公輔上 安撫使逋逃復業者踵踵不絕是歲民之食發倉栗干 遠大將軍歲與辰宣撫司事廢無所依恃的村勇三千 紫山大全集

一次定四軍全書

僕種藝鄉里祭之後三十有六年天禄求文士杜琪狀 副使次說郁飲飲行軍百户次成溫讓義公自致政然 次日天鴉澄陽行軍百户次日天禄弱勒百户次日裕 氏丁氏康氏子男五長曰天祐襲爵再除磁州勘農使 居奉養豐腴賓客恒滿門秋冬携子弟遊獵春夏課童 曰祚磁州稅便猶子德滏陽尉女二人長適行軍千户 王玉次適管匠達噜噶齊安祚孫男八長詢大都鈔庫 年六十有五祔葬於縣南文莊里先座配許氏趙氏申

賢添世濟其美開國承家似公能幾遺愛流芳百世不 授天啓将兵子民德威可紀亦為虎符煌煌煒與嗣 欠こう戸にう 奉訓大夫食江東建康道提刑按察司事王可與奉 世胄所起丈夫所恥不墜門閥一舉千里風虎雲龍神 不可辭銘曰 公之德業持狀以墓碑來求銘散色武安磁之屬縣義 人行嚴嚴產泉瀰縮錦母永年夷山酒水 王晋卿父王隠士神道碑 紧山大全集

銘其墓碑敢再拜以請既唯命誦其辭玩其事而知其 察御史張之翰之手狀曰此先君生平之大器願吾子 人然後知古今天禀高邁力於為善者世不乏人特以 子孫之不肖友朋之不能文有國者不尚賢是以不得 而不獲見稱者類皆無勢位側随隐微之士于是而得 以知為善則一而得名於後者多挾權處勢高明之徒 褒美稱揚使後世泯沒無聞為可傷悼不寧唯是又因 一賢子孫繼志述事不滅前人光廣其聲增其大業請

盡好四角全書

窮可尚也夫公諱政世為上黨人情康之亂徒相之臨 文於朋友請傳於國史得諡於太常刻之金石播之無 大きり事人はい 舍去金亡北渡流離頓挫之際聲囊索以齊貧之親戚 漳祖庭父元皆潜德不耀妣李氏貞祐中金遷汴奉父 鄉里老幼因病難於徒步者車載以歸既復桑梓時移 千項因以致富仰食役力親依者如父母歲久不忍相 世變田園盧舍已為豪强之所有因餘貲以通有無再 母居陳之項城時衆以避兵失鄉井例不聊生公買田 禁山大全集

鑿井相依者成市鄉人目之曰王氏井嘗戒其子可與 金万里屋 有量 戚不知其為非所出也晚歲貨殖充足樂復於農耕田 家人生産日招親友飲食歡笑道舊公能承意先志以 致豊厚父年高海經丧亂以公之賢足以付託故不事 汝於壟斷之間汝當力學以成吾志故於求師取友必 致具樂事繼母李氏尤孝謹母亦盡其慈爱雖鄉并姻 本力田晨唇具甘古夏秋供賦役以循天吾不忍復置 曰吾不幸生長亂離不得讀書以儒學起宗又不獲務

葬於安陽成村之先些禮也銘曰 七年五月二十有七日以疾卒於正寢娶呂氏婦徳母 端必慎卒成其子為名士材大夫享年七十有一至元 積而能散以財發身所居成市以德致鄰無社無民而 儀兩盡其道子一人即可與也孫男四人長曰點侍御 有循吏之仁孝能養志慈能成子敬以擇師誠以接士 不經不史而得學道之古究其端倪天姿粹美動静語 親軍都指揮使司令史餘幻未名至元甲戊二月日科

欠己日年上日

紫山大全集

猶足以激浮薄而愧貪鄙 默通義循理隆墓豐碑銘其可已百世千秋過者讀之 金河口居 石雪里 贈鎮國上将軍上騎都尉河南縣開國子姚那律氏河 奉國上將軍四世祖阿薩爾仕遠為羣牧使正隆中子 孫以屯戍遷清平之杏園營遂為清平人髙祖竒拉爾 南縣太君會祖柘德本贈輔國上將軍輕車都尉河南 公諱璘字文五姓蕭氏其先祖圖薩拉世遠之貴族贈 衛輝提領長官蕭公神道碑

會簿書之劇雖老於吏事者不能堪公處之裕如也選 府事南北要衝使者旁午事務殷繁代父兄之勞應期 揚休勇力騎射絕人能以禮自將不敢以富貴才美驕 知彰德路總管府兼行軍總即府事公警賴辨利五色 縣開國伯姚耶律氏河南郡太君考德亨奉國上将軍 無留滞奉國君知其可用未幾改授權知彰德路總管 司縣事臨政明敏雖老姦巨猾亦不敢欺剖决如流事 人歲去寅公年未弱冠奉國君異其不凡命提領本路

次定四車全書

禁山大全集

名諸軍上乎大理以扈從忠勤蒙寶劒之賜師還积勞 符主將奇其軍功錫以名馬玄纁錦綺各有差用是知 得辦集而民不告病歲戊申南伐以材陛千夫長佩金 御下三州之内屬吏效忠民用不擾春歲後賦稅增而 定功人將以為有不次之用以是年月遠疾卒時年三 力不能支公報立己券稱貸於富室以供具兵役故事 微訟簡上計於郡為他州最時江表未下糧餉切急民 授新信衛輝三州提領長官振領大綱簡而有要誠以

十有二聞者莫不哀悼嗚呼公生而為貴公子客無驕 貴哉夫人滿扎氏幽閉貞静端莊雅重失價以來能以 ·看法供之習提身立事早能有成其對於一時閥閱子 欠色可見心方 釋褐唐州判官自知派以至成立皆母夫人教之之力 禮自防膏沐容飾屏絕不事子男一人名世傑有父風 弟遠矣大熟異業其可量也哉惜乎天不假年遂以天 事荒湛於裘馬酒色之娛雖康寧無事而獲上壽何足 殞悲夫然而方諸恃財挾勢以墮志不自樹立不成一 柴山大全集

為不亡 荣耀蒙寶刀之寵光一世之夫萬世之長骨朽名存公 也以至元七年茶月日安居於整西北原豐安里又八 馬偉欺蕭公才兼二子以德將之世濟其美鵬翼垂天 魯莊之威儀扶藝智伯之陵人五賢才則高矣德無有 思蕭公虎視鷹揚劔鋒一揮前驅莫當宜其佩金符之 年以公之神道碑來請銘銘曰 舉萬里豈其一疾而竟不起壯士聞之有淚如洗我 卷十六

考諱資祭如史氏公生九歲而孙太祖皇帝提兵南下 微公其誰救之公即言於上凡所獲獵獸盡以給餓者 敗金軍於野於顧得公喜其頭顧不凡命宮掖撫養之 太祖巡狩於圖拉河匠官史大使即羣工懇訴於公 日吾俸小人以絕食而殍者已十七八存者亦將垂死 三年通蒙古語言譯說辯利太祖出入提携之丁丑冬 公諱德真字濟準世為渾源人大父始遷隆與之豐利 德與縣京太原八匠達 噜喝齊王公神道碑

次定四軍全書 一

紫山大全集

后撫之如子嘗謂所親曰此吾之哥凌扣也丁亥春正 |縊賜以牛羊又弛塔拉布哈松實之禁得采食用是困 竭忠盡瘁事關利病有犯無隱或至夜分數陳於御榻 哈綽克察太祖以官制未備凡當職分者稱集賽以公漢 者起痛者肥免於溝壑者不知其幾歲乙酉會同於布 人定名為奉御實與伊蘇巴爾塔布佐扎固刺台同列 下太祖喜其忠直多允其奏又命公兼掌二皇后宫政 三人者貴官敷臣也軍國重事悉委任馬公知無不言

噶群歲去辰蘇布特圍南京城守崔立遣使納數情偽 往鞏開門出降歲庚寅太宗皇帝以公先朝待臣服勞 平軍不足拔不必勞師用衆臣請諭之禍福遂持節以 也幸寬天誅太祖忧悟遂赦之上欲伐革公曰西夏已 主百萬之罪宜活陛下同仁一視子憐萬國非敵百姓 羣臣莫敢言公諫曰犯順效逆者既已就戮民各為其 月太祖征西夏嚴李王誅之怒其負固不服欲屠其城 王家不欲勞以煩劇賜公金符授德與燕京人匠達噜

次とり事を与

紫山大全集

達噜噶齊中書耶律公從容謂公曰公陪運熟舊宜侯牧 冒充而實不能者公亦不之罪諭以溫語示以程法積 以日月後皆為良工歲丁酉後除德與就京太原人匠 未可知公與來使同往立出降時有詔命公集諸匠一 口僕幼蒙國思撫養禁掖出入行陣粗有歲年大政高! 死者不可計率諸匠北來至太原較其伎藝率多畏死 日應募者數千適歲飢人相食公出已財糧以食之脫 路不然公且留中相與同心協力臣輔聖政公力解

|纖芥之補今老矣不可厚積官誇遂上章告老朝廷憐 十人焚毀諸人負錢券二百餘張至元九年八月甲午 位實非敢居中書君知不可留乃止六皇后攝政執政 來別業山水間讀書學養生十有餘年嫁安三人放驅二 以垂髫野監被日月之光沾雨露之澤歷仕五朝而無 為平陽太原等路原訪使皆以疾辭一日召諸子曰余 者擬公為西京等路原訪使先帝南征大臣又奏公可 公耆信仰其子孫襲爵既得請燕居於太原之私第往

次定马车上的 一

禁山大全集

次曰某適某人孫男八人某以某年月日葬於某里銘 實劉出也次口暴嘉特次曰居原居安女四人某適某 得君已久畏怯莫前諫聽計從顧忌弗言太祖天威百 兩朝雨雪戈鋌武成告廟定功後先三王五爵烜赫聯 王凛然公之遭際未閱幾年活百萬命忠懇迴天扈從 呼嚕氏子男六人什喇哈斯張出也次曰納延次曰居 以壽終於正寢享年七十有一夫人四李氏張氏劉氏

もりせん

くこうえ 阿薩爾仕為羣牧使正隆中子孫以屯戍遷清平之杏 侯諱某字某姓舒穆隆氏其先遠貴族家於遠碣間高祖 碑高塚新阡陵移谷變不崩不穿 有傳考始要終玉潤金堅汾水之渴東社之原喬木豐 七十一正寢歸全生平手奏格言成編世雖莫聞後當 翩何力之有願處卑偏緝照百工出盡精專優游常職 百務棄捐晚年知書聞善奉拳恬淡虚静吐納希仏毒 Line 舒穆唱某神道碑 Į 紫山大全集

到好四届全書 燕邦人悲之年五十有八夫人若干人子男若干人女 破大名侯遂隸帳下拜館陶招撫使俄遷東平大名招 若干人孫男若干人女若干人其年月日上葬於某所 四月沒復彰德陛林州彰德府事某年月日以事死於 撫使元即左監軍留事東平行臺嚴公以取磁州功遂 律氏父圖薩拉此耶律氏歲丙午行省太師統諸道兵 兼知州事復以取林州功遷同知彰德府總管事丁亥 **園營遂占籍馬曾祖奇拉爾姚耶律氏祖柘德本姚耶** 卷十六

歌定四庫全書 人 割疆白立從厚雄趙南衛北實要衝十室九蔡糜銛鋒 金亡河朔兵塵紅天威張皇開四封網羅豪俊圖巨功 誘民以善民易從一緘幽恨埋悶官英魂夜半號蒼穹 黃金臺高心益恭暮膏濟濟人中龍歲時朝覲或會同 提携猛將來罷熊撫摩癢瘵濡疲癃翦夷棘养成桑農 某原鉛曰 髙壓厚收聲隆隆消鞭仁慈出天東公私倉原俱阜豐 失倭得將如萍蓬以暴易暴承债蹤維倭狐騫逆長風 毕山大全集

世太平之基尚非勇可以敵萬人智可以伐厚謀矯矯 亂洗妖氛服羣雄千戰千勝一清四海乘時佐命立萬 天運人事否極則恭亂極則治理固然爾然而開泰定 烈烈出犀命世之大才則不能也清河元帥砲手張侯 嗟大福潜大凶髙鳥既盡撤良方太行西峙漳水東 思侯哀無窮 故鎮國上將軍總管砲水手軍匠元即府清州 張侯神道碑銘

武勇選守成然都太祖皇帝整師南下侯揆以天時人 濟南盖都江郡聲日益振太祖皇帝征回鶻六師至莫 志錫虎符授懷遠大將軍元即左监軍侯感行殊遇誓 事率衆同明安大保請軍門請受命太祖皇帝北其材 當我朝開創智名勇功是諸大将之一也候世為清州 之用戰勝攻取所向無敵首平河間下大名繼收東平 幼死為國立功業每戰身先將校同勞苦士卒亦樂為 人諱祭體貌雄偉智勇超邁金主走汴歲次甲戌侯以

一次定四軍全書 一

禁山大全集

論功最諸軍未發扈從取河西河西貧固堅守侯如前 堅回鶥請降由是竹都欽察諸國接踵納款西戎遂平 直抵城下未合園俱列樹兒等飛石石下如雨城不能 蘭河流澌湍急衆莫能前侯立縛戰艦百艘全師畢渡 州諸城明年去辰以王事終於軍子忠仁襲爵勇畧如 攻城破衆潰以功陞鎮國上將軍總管砲水手軍匠元 即拔關右五路攻鳳翔勇不顧身砲傷開近侍尚醫勞 調發腹背相望疾愈歲辛卯從太上皇由金昌取均

父從潤出太子進討兩淮經界江漢取川蜀歲不家食 次足四軍全等 某日選葬於鎮定縣之某村從古上也既葬以神道碑 糧運管軍萬户用兵臨政同符祖考君佐以某年某月 大都之行館孫男君佐承職散官如前仍兼利津海道 将胃險先驅所過戰功居多聖上即祚志在平南選將 戊午先皇帝西征師次釣魚以将家子仍舊職拔為上 來請銘銘曰 居邊被命戍守均房領漢軍萬户丁卯二月以疾卒於 张山大全集

植生產年逾七十優游以壽終考責承先業增崇生息 鐵槍可埋名不埋豐碑高塚西山限形弓家廟齊雲臺 遺思餘慶貼後來將門出將真將才子孫襲的皆英哉 戰功稠疊龍渥偕虎符錦殺光昭回忠武壮節萬雀鬼 除五朝暴如萬萊暗嗚叱咤生風雷廓清四海無纖埃 ·東坤草時昌運開乘時佐命須雄才龍等虎摶岳麓推 公諱泉其先潞人高祖而上徒居廣平之曲梁祖樂善 大元故元帥左都監曲周縣令杜公神道碑銘

後勇冠諸軍辛己秋七月征河東破青龍石家等堡越 降太祖皇帝姓王承制封拜嘉其義勇即署行軍提控 遇事力行卓卓自持歲度辰我師南下公即衆詣軍門 兒宗族有識者曰此子必亢吾宗既長讀書略通大義 以隸大将索和爾平山東下東平舍利等諸棚前鋒殿 河中收撫關右定西夏招懷攻擊所向無敵公之力為 紧山大全集

豪貴日滿門頗樂鷹大中毒而殞公資票俊偉幻其凡

遂以財雄鄉里積而不居推以濟不足人多德之交游

辛卯冬征河南克釣州平汴差次戰功諸將擢馬威乙 | 敢盗去的猛士百人邀其歸路珍強而還由是姦完破 慰佩金符充曲周丞兼管軍民畏威慕德不嚴而化甲 多壬午三月還師秋從索和爾北拜王於行帳優蒙賞 膽不復侵軼戊子春二月王懋成績復賜令旨金符光 畜公奮身衛衆手殺數十人賊退門吏白令旨金符為 中夏五月東山草冠奄至城下所過燒毀室廬驅掠人 寵之升爵昭勇大將軍官曲周元帥監左都縣職如故

未武成大定皇帝受厚臣朝割等土以賜敷親那名等 衣冠盛族女則母儀內外暴效再娶趙氏侯氏俱名家 土葵卯秋八月朔遘疾越三日終於私第之正寢春秋 升曲周令立市勸耕販乏問疾不四三年視諸邑為樂 次是四車全事 大縣所在有聲去則民思之今任廣平路總管府判官 淑靖懿恭子男六人海源淵珪演李曰弘毅海襲爵治 四州禄右壁萬户公任職如舊歲萬子總府薦公敷舊 五十有四總府明金以葬邑人路祭卷哭夫人王氏出 禁山大全集

源邢洛路鄂勒提領淵忠顯校尉出軍總把兼萬户府 也公生長兵革鞍馬間不資教養而踐履篤至事二兄 春正月十二日安厝於新安鄉鄭晏里之新陸從吉卜 用國才君輔雲甫餘幼未名公殁後四十年至元去午 都鎮撫軍功將畧能世其家孫男十二人世傑世英國 極友爱樂赴人之急難惟義所在禍患不恤也當積栗 口父子兄弟夫婦去就聚散之可哀憫者多縱遣之仍 數十歲山則借貸不責償初五辰平河南迴俘以百餘

金ラロカノー

銘銘日 於百里匣鎮鄉於發研喜不稱德沒有餘馨用不盡才 為經紀其生理握兵臨陣不妄誅戮一旦臨民事務撫 志其可平天其或者流於既濫之餘發於持柄之末積 勇不嗜殺息亂底寧惠而知政敗敗無聲惜也跼驥足 徐異状公之平生也如是總判公奉状以神道碑來請 養齊家教子不積貨財此人之所尤難者沼水簿林應 厚報於賢嗣享安富而居高紫出總大府子為名鄉蘭

とこう ういう

華山大全县

一動反匹局全書 謹辱勞告增廣前業以公天資不凡不類農家兒夫婦 既貞使過者拜手拊碑而數曰有是父而有是子父種 等玉屑繼繼絕絕孝思起塚如崗如陵孝思刻石既堅 相與謀曰教子訓孫固當不易世然是子然不可以服 徳於子子楊名於父斯言也足為千秋百世之銘 力農以德以勤遂以土田緡錢雄鄉里考諱順此郭氏 公諱冏字陟夫姓萬氏石州寧鄉三聖里人世世孝弟 同知石州事高公神道碑

世軍判歲庚申中統建元太原總管府申河東道宣撫 寧鄉酒稅事我朝兵南公即衆降太師國王承制授寧 射策於有司不合時好不中第泰和八年入粟補官監 書必能光大吾聞出幽谷而遷喬木不愈於以畎畝之 鄉尉外户不閉累歲無大吠之警歲戊子縣附為州就 是日藏月修六經外傳及厚書釋老二書一一涉獵連 不易為憂乎故公八歲入小學十六而知為學之方自 田畝即今治平無事國家以儒學官人的使之從師讀

次定四華全售

紫山大全集

主家事逐監本州酒稅稅本州孔目官僧以尚知孫女 生二女長適張暉次適郭邦寧孫男四墳發現僧奴瓚 陽太原路巡監視運官陳政再娶馬氏無子再娶楊氏 流涕大人李氏生子男三人孟曰鳳仲曰彦英皆早卒 一金グロガ 季口彦萃襲爵今界官承務郎同知磁州事一女適平 老於吏事三年之内優游卧治不嚴而政舉五年二月 司薦改授同知石州事公自等級積官知民情識時 日以壽然於私第之正寢享年六十有九聞者莫不

KINDIEL LIAID 靈妥安豐碑差殺我銘可歌百世不劇 龍選實論功祭拜新封載飛載楊桑梓有光死生故鄉 史朝經積而不居克諮時須起身亨衢殷塩麥秋挺身 學言有知為兒不嬉卓然東葬晨唇超庭自持自於暮 子孫絕繩繡衣珠瓔克廣家聲故園故山松栢光關神 歸周邦人成麻州縣朝翔春露秋霜白首馮唐中統飛 之先陛彦萃狀公之生平請銘其墓碑銘曰 四人曾孫一十五人以某年某月某日祔葬於三聖里 紫山大全集

差銘為請謹按張澤狀公之德葉曰公諱公淵字潤甫 銀分四屋 有重 棄巍諸孙八年於茲墓木已拱而經紀寂寥敢以再拜 道提刑按祭司副使構同状西來曰我先人忠義事君 士第官奉訓大夫今妣范氏及其內皆文正公之後曾 其先秦將翦之苗裔也世為淮之北海人七世祖徒居 東平考鐸官忠顯校尉妣杜氏大父鴉正隆五年登進 朝列大夫尚書户部侍郎王桓桓母弟奉政大夫淮東 王忠武墓碑銘

嚴武惠承制授公忠武校尉從事戎幕十有餘年亂定 氏與家五年東平内屬三兄避兵南遷公以死守宗祀 大父尚智金初登進士第官朝散大夫姚雀氏高氏范 歲 展以次子桓構共為朝官就禄養馬明年夏六月 箕裘之業不可廢也三子遵之竟得成立至元十七年 戒之日自汝遠祖令公儒素超宗登仕版者代不乏人 丁卯夫人薛氏以疾終命桓等歸葬於東平北乘丘山 得歸田里自號鳳山逸叟日課僮僕力田教子讀書每 欠にとりによう 一 紫山大全集

如亦未嘗有不足之念犯而不校曰柔能勝剛僮僕不 未與長子植還家卒於行館辛亥科葬馬享年八十有 陽之先整將行戒之曰封樹軍即俱來是歲冬十月乙 四公天資誠敬然善重辱寡言飲食不問美惡貧居晏 族為婦為母順姑敬大慈子中表可法壽七十有四三 奉教者諭以温言終不加訶責與人交愈久愈敬平生 男楨桓構楨為山東濱鹽司勾判官女二人長適商福 無狎友性喜讀書尤當古文篆隸遂極其趣夫人亦士

大夫公侯表码碑銘珠貝金璆我何人斯荒辭贅疣竊 悠王氏瑩域羊虎松楸岩堂之封纍纍塚丘五百年中 方始朱顏黑頭未見其止趣馬寡傳乘丘蒼蒼泉水悠 翳横秋數歷中外有為有飲扶搖天風一日九州雲路 危橋巨舟勇回急流世繼其美不忮不求積而不廢雙 於三老堂永錫堂記兹不復云銘曰 次適將起男孫二人士煥士爚女孫六人先世舊徳備 助孝思歲時薦羞 紫山大全集

金祚不守是時屈伏草莽者齊舉並起雲會響應順天 金万日屋人 振文童幼類悟過人比冠通方識務金主走汴燕薊騒 蔡國公羣豪之一也而權府王公實贊成之公名沂字 宗五十年太平之緒優游踐作而識者憂之知其無人 見之才者因之或出或處與時偕行金主給承世宗章 治亂廢與之氣機隱伏於其具而發見於昭昭惟明者 君之度非南面之器也未幾遇弑我太祖皇帝一舉而 大元故順天路總管府權府事王公神道碑

|改定四車全書 慕願與之交遇事明敏謀議處决動合衆意時雖板湯 順天既內附蔡國公承制辟公録事判官兼規指大使 律使人和解而服罪以是人争歸之所居成聚祭國張 凶殘俸輩或語訟紛競必諄諄切切勸以德義戒以法 不再春流窟者還食群以幹局稱與議請命改充本路 公起間里相師歸命我太祖皇帝謹畫軍事多從公出 然順天迫於照公撰以人情天意知帝王之有真天命 之在北處身亂離中與人豈弟樂易不樹風岸人多愛 紫山大全集

學道者若賦詩延接質友晚年詩益工以老致政一 治當南北要衝郵傳如織而民不知擾退食雅容讀書 畏民不戒而勤未幾握權順天府事同僚優游仰成府 以公康能陸知鄜州事敦本抑末為教緩刑吏不嚴而 悉聽於停貳公均租庸謹調度扶弱推强風雨寒暑不 總管府判官是時四方猶未平例以長官主征伐民政 寝疾遺訓諸子曰我白衣至此本無他能平日所守者報 敢告勞屬郡鄜州號為難治加以蝗旱相仍流散未集

衛親軍萬户府從事安陽王可與之狀來以神道碑請 次定四華全等 惟光昭先人之令德無片石以旌紀負罪何言汝當承 子宏曰吾父子兄弟蒙國家福澤既優既沒誓以死報 仲義仲禮仲智仲仁即同食公也以書自東川來諭其 夫人父氏婦德母儀中表可法毒七十有八四子仲仁 功之漸子孫蒙慶之自汝為我力成之宏既承命持侍 國以忠接物以誠而已言絕矣談而逝享年七十有三 吾之志乞文以圖不朽使吾後嗣有以知祖考積德累 紫山大全集

虎頤未鬚遭時製虞枕戈講學升武心儒衆不可失藏 鉛鉛回 銘置石光照幽虚百世不磷過者下車 餘孰謂渭釣而無遠圖孰謂等耕老死幸銀處不失義 致仕左詩右書富貴壽考德業聲譽人或不足公獨有 生をではん 疾納污識真歸命振袂亨衢良二十石聲流八區引年 出應時須同我太平武畧文謨子孫繩繩五佩瓊裾勒